



ZHEN RONG TEMPLE

真容寺

唁電

敬致臺灣佛光山

國際佛光會 星雲長老治喪委員會

山川嗚咽，海天同悲。驚聞臺灣佛光山開山宗長星雲大師于癸卯上元白月圓滿之時，住世緣盡，示現無常，真容禪寺兩序大眾深表哀慟，謹致悃忱。

長老一生道行卓絕，興教傳法，教化宏廣，德風遠播，為佛法殫精竭慮，堪稱一代佛門宗師。其佛光偉業，將人間做道場；一筆書法，以禪墨為佛事，道俗同欽，人天敬仰。

長老畢生弘揚「人間佛教」，致力兩岸和平交流。行事佛迹，難以詳述；功德巍巍，海墨難書。今「佛光普照三千界，法水長流五大洲」，長老宏願初成，厥功至偉！

長老與先師夢公上人因緣篤深，自美國西來寺結緣，法誼甚厚，道情殷殷。癸酉鷄年，先師百壽誕辰，大師不遠千里，親臨佛國五臺，率眾祝壽。期間二人酬對問答，禪機不斷，天雨甘露，無量法喜。雖去時十載，至今音容猶存，感念至深！

長老之德，山高水長，日月同輝，今娑婆緣盡，西歸安養，誠為教門之憾！末學眾等哀思無盡，遙寄馨香，祈願長老于常寂光中，不捨眾生，乘願再來！

五臺山萬佛洞真容寺 隆明率眾敬悼

西元二零二三年二月六日

